


WĀHEBERE, CHIPATULO THU ²

 . . . wakwiza chakudankha, ndipo wakusambira Malemba, mwakuti iyo wangamanya kulinganizga ichi ndipo wangamanya kuwona kwali ukaŵa Unenesko panji yayi. Iyo wakatora ichi, Unenesko, mwa Chipangano Chakale. Sono, Paulos wakaŵa nkhwantha mukuru wa Chipangano Chakale. Kasi mbalinga ŵakumanya icho? Iyo wakasambizgika na yumoza wa nkhwantha zikuru za nyengo yake, Gamaliel, nkhwantha mukuru. Ndipo Paulos wakachimanya Chipangano Chakale. Ndipo ine nkhughanaghana kuti kunjenjema kwake kwakudankha, umo ine nanguyowoyera mlenji uwu, para iyo wakati wachitira ukaboni nyifwa ya Stefano. Chinyake chikayenera kuti chikamukhuza Paulos, chifukwa mu vyakulemba vyake vyose iyo wakarutirira kuzunuranga ichi, “Ine ndine wakwenerera yayi, chifukwa ine nkhazikizga Mpingo kufika ku nyifwa. Ine ndine muchoko chomene pakati pawo.”

⁹⁵ O, kweni Chiuta wakaŵa na ghanoghano lakulekana la ichi. Iyo wakaŵa yumoza wa ŵanarumi ŵankhongono chomene ŵa nyengo yira.

Muwoneni Paulos Mutuŵa, mupostoli mukuru
Na munjilira wake wakuŵara mbe na
wakitowa, (wakayowoya mlembi)
O, nadi kuzamkuŵa kuchemerezga kunyake
Para tose tikukumana Kula.

Dazi likuru lira para ine nkhumuwona iyo wakupokera mphumphu ya kufwira chigomezgo, njombe ya wakufwira chigomezgo!

⁹⁶ Ine nkhayimilira pafupi na linga lichoko lakale, kuno nthu kale chomene, uko iyo wakalemba Makalata agha. Ndipo nthura iwo ŵakadumura mutu wake. Ndipo ŵakamuponya iyo mu chikhuluru, kuti wakavundire mu chikhuluru. Ndipo Muyuda wachichepere uyu kula, iyo wakati, “Ine ndanyamura mu thupi lane malusimbo gha Yesu Khristu. Ine ndiri kurwa na vikoko ku Efeso, kweni ine ndiri kurwa mbembe yiweme. Ine ndiri kumalizga mlimo. Ine ndiri kusungilira Chipulikano. Ndipo mwantheura, kuli mphumphu yane kuchanya ya urunji yikunilindilira ine, iyo Fumu, Mweruzgi murunji, yizamkundipa ine pa Dazi lira. Ndipo ine pera yayi, kweni wose awo ŵakutemwa kuwonekera Kwake.” Umo ine nkhuchitemwera icho! O, ine nkhuKhumba kuti niŵerengeke pamoza na iwo! Ise kale tikayimbanga sumu:

O, kasi imwe mukukhumba kuŵerengeka ngati
yumoza wa mskambo Wake?

Kasi imwe mungakhumba kuw̄erengeka ngati
 yumoza wa mskambo Wake?
 Muw̄e w̄ambura banga mkati, muw̄enge tcheru
 na kulindizganga kuti muwone kuwonekera
 kula;
 Iyo wizengeso.

97 Ine nkikhumba kuti ndiwe yumoza wa iwo. Sono mlembi wakurutirira, kuyowoyanga:

*Ipo ise tikwenera kuti tipereke...tcheru chikuru
 chomene ku vinthu ivyo ise tiri kupulika, mzire pa
 nyengo yiriyose vitipurumuke ivi.*

98 Umo ise tangusambizgira pa icho, mlenji uwu, vesi 2 likuti, “Usange...”

Pakuti usange mazgu ghakuyowoyeka na w̄angelo...

99 Kasi ise tikusanga kuti w̄angelo ndi vichi? W̄aprofeti. “Chiuta wakayowoya mu nyengo zakupambanapambana...” Sono, imwe mukwenera kuti mupange, nthu fundo yithu taŵene, kweni Baibolo. Sono chipatulo 1, cha... chipatulo 1, vesi 1.

*Chiuta, uyo pa nyengo zakupambanapambana...
 mu nthowa zakupambanapambana wakayowoya...ku
 w̄awiskewo kwizira mu w̄aprofeti,*

100 Sono iyo wakuruta kudera uku, ndipo wakuyowoyaso.

*Pakuti usange mazgu agho ghakuyowoyeka na
 w̄angelo ghakaŵa ghakukhazikika,...*

Ndipo kasi *mungelo* chikung’anamura vichi? “Thenga.” Usange thenga lakuphakazgika la Chiuta...Ndipo nthaura usange ise taphakazgika, ise ndise mathenga gha Chiuta. Ise ndise mathenga ku charu, kazembe wa Kuchanya, kuyowoyanga kuti ise ndise w̄amwenda nthowa na w̄alendo. Ise ndise w̄a charu ichi yayi. Kweni ise tikupenja Msumba uwo ukwiza, uwo Wakuwumanga na Wakuwupanga ndi Chiuta. Ise nthu tikuwunganya vyuma vithu pa charu ichi chapasi, uko w̄ankhungu w̄akuchisanga, fufuzi, murosua, na chivundi. Pakuti, vyuma vithu viri Kuchanya, uko Yesu wakukhala ku woko lamaryero la Chikurukuru. O, chinthu chauchindami uli na chakuziziswa, kumanya kuti:

Vigomezgo vithu viri kumangika nthu pa
 chinyake chakupereŵera
 Kuruska Ndopa za Yesu na urunji;
 Para vyose vyazingirizga uzima wane
 vikupereka nthowa,
 Nthaura Iyo ndi chigomezgo chane chose na
 pakukhala.

Pa Khristu, Jarawe lakukhora, ine
 ndayimirira;
 Malo ghanyake ghose ndi mchenga
 wakutitimira,
 Malo ghanyake ghose ndi mchenga
 wakutitimira.

101 Umo Eddie Perronet wakalembera sumu yira, mu nyengo za kuzikizgika!

Sono, *usange mazgu ghakuyowoyeka na ŵangelo ghakaŵa ghakukhazikika, . . .* (Para thenga la Chiuta likayowoya Mazgu, Ichi chikayima.) . . . ndipo njombe yiriyose *yikapokera chakuwezgekerapo cha njombe;*

Kasi ise tiphokwenge uli sono, *usange ise* tikumupulikira yayi Khristu, Uyo wakuyowoya kufumira Kuchanya?

Sono wonani:

Kasi ise tiphokwenge uli, usange ise tikuzerezga chiponosko chikuru chantheura; . . . (Ghanaghanani za ichi.) . . . *cheneicho* mu mtendeko *wakudankha chikayowoyeka na Fumu, . . .*

102 Khristu wakayamba mlimo Wake. Kasi Iyo wakachita vichi? Ise tikumuwona Iyo, umo Iyo . . . wakujikhizga, kujiyuyura, umo Iyo nthā wakaŵira munthu mukuru wakumanyikwa ngati wakusambira vyauchiuta. Kweni Iyo wakaŵa wakujikhizga, wakufwasa, wakujikora. Iyo nthā wakaŵa mupharazgi wankhongono. Lizgu Lake nthā likapulikikwa mu msewu.

Kweni Yohane wakaruta ngati nk Haramu yakuwuruma. Iyo wakaŵa mupharazgi.

103 Yesu wakiza, nthā ngati nk Haramu yakuwuruma, kweni Chiuta kuchitanga na Iyo, kukhozgeranga Mazgu. Chiuta wakaŵa na Khristu. Petros wakayowoya, pa Dazi la Pentekosite, “Imwe madoda gha Israel, na imwe mwaŵeneimwe mukukhala mu Yudeya . . . Yesu wa ku Nazarete, Munthu wakukhozgeka na Chiuta pakati pinu, na vimanyikwiro na vyakuziziswa na minthondwe, cheneicho Chiuta wakachita kwizira mwa Iyo, pakati pa imwe mose, cheneicho imwe mose ndimwe ŵakaboni.” Wonani umo iyo wakakhomerera ichi pa iwo. “Imwe mukayenera kuti nthena mukamumanya Iyo.”

104 Yesu wakati, “Imwe ŵapusikizgi.” Wakati, “Imwe mukuruta kuwaro ndipo mukulaŵiska ku zuŵa, ndipo imwe . . . Ili lachesama ndipo likutchona, imwe mukuti, ‘Kuŵenge mphepo yakuputa.’ Ndipo usange kwaŵara mbe ndipo kuli zuŵa, panji vinyake nthēura, imwe mukuti, ‘Kuŵenge mphepo ziweme.’” Wakati, “Imwe mukumanya kusanda mtambo, kweni vimanyikwiro vya nyengo, imwe mukutondeka kusanda. Pakuti

usange imwe mukandimanyenge Ine, imwe nthena mukalimanya dazi Lane.”

¹⁰⁵ O, icho Iyo wangamanya kuchemerezga usiku uwu. Umo Mzimu Wake ukuchemerezgera kwizira mu wapharazgi W̄ake, “Ora liri pafupi!”

Ise tikusanda. Ise tikughawona mabomba gha atomiki. Ise tikumanya uyo watorenge malo gha Clark Gable, na uyo wachitenge *ichi*, *icho*, panji *chinyake*; panji uyo waŵenge vayisi-purezidenti. Ise ndise w̄akukondwereskeka mu icho, kweni ise tikutondeka kusanda vimanyikwiro vya nyengo. Ise tiri ku umaliro.

¹⁰⁶ Kasi ichi ntchichi? Ise ndise w̄akukondwereskeka chomene, “Kasi gawo linyake ndi vichi la television? Kasi Susie wachitenge vichi?” panji ilo ndi zina la mwanakazi yura. “Ndipo kasi Arthur Godfrey warutenge nkhu? Kasi iyo wayowoyenge nthabwara ya mtundu uli nyengo yakurondezgako?” Ise, ngati Mukhristu, taphakara malingaliro ghithu kuzura na ukazuzi wantheura, penepapo ise tikwenera kuŵa mu kuromba kumalo kunyake, na kusambira Baibolo, kuti timanye vimanyikwiro vya nyengo iyo ise tikukhalamo.

¹⁰⁷ Icho chikupanga icho, nyengo zinandi, ndi magome ghakufoka, uwo mbunenesko, agho nthā ghakulimbikira na kupereka Unenesko wa Ivangeli. Ise tikwenera kuti tikazgore pa icho mu mazuŵa agho ghakwiza. Ise nthā tingazerezganga chirichose. Ndipo w̄anthu, umo ise tiliri pano pa Branham Tabernacle uyu, kuwona vimanyikwiro na vyakuziziswa, na nkhongono ya Khristu wakuwuka; ndipo nthēura kumanya kuti ise tingamaya kuŵika zithu—nyengo zithu pa vinthu vinyake, na kuzerezga kupulika Lizgu la Fumu Yesu, “Kasi ise tiphokwenge uli, usange ise tikuzerezga chiponosko chikuru chantheura?”

¹⁰⁸ Vesi 3, panji vesi 4. Apa ndi penepapo ise tangurekezgera, pa vesi 4, mlenji uwu.

Chiuta nayo kuŵachitiranga iwo ukaboni, . . . (O, mwe!)

Chiuta . . . kuŵachitiranga iwo ukaboni, . . .

Tegherezgani ku Mazgu.

. . . vyose na vimanyikwiro . . . vyakuziziswa, na minthondwe yakupambanapambana, . . .

Kasi minthondwe yakupambanapambana ndi vichi? Kasi yakupambanapambana ndi vichi? Yakupambanapambana chikung’anamura “yinandi.” “Na minthondwe *yinandi*, Chiuta wakachitira ukaboni.” O Chiuta! Ine nkhugomezga kuti Ichi chinjirenge mu mitima yinu. Tegherezgani.

¹⁰⁹ Ine ndine yumoza wa w̄aliska w̄inu, na M’bale Neville pano. Ine nkhukhumba kuti imwe musungilire Ichi. Baibolo likati, “Usange waphukenge pakati pinu, ndipo iyo wakuyowoya

chakuti-na-chakuti, ndipo ichi chikukwaniriskika yayi, kupulikira yayi ichi, pakuti Ine nindayowoye. Kweni usange iyo wakuyowoya mu Zina Lane, ndipo icho iyo wayowoya chikukwaniriskika, ntheura pulikirani Ichi.” Amen. “Pakuti Ine ndiri na muprofeti yura, panji mupharazgi, chirichose chingamanya kuwa. Usange icho iyo wakuyowoya chikukwaniriskika, ntheura mupulikireni iyo.”

¹¹⁰ Sono, wabwezi, tiyeni timupulikire Iyo, Mzimu Mutuwa wakuyowoya pakati pithu, kuwoneskanga minthondwe yakupambanapambana, na vimanyikwiro, na vyakuziziswa. Tiyeni tileke kuchijumpha waka Ichi ngati vyakuchitika waka wamba. Tiyeni tikumbukire kuti Ichi ndi Yesu Khristu, mweneyura mayiro, muhanyauno, na muyirayira; kukhozgeranga Mazgu Ghake. Ise tikwenera kuti tichite ichi. O, chonde chitani ichi. Khalani tcheru. Rekani chinyake chirichose chiwe chachiwiri, nanga ndi nyumba yinu, mfumu winu, muwoli winu, wana winu. Chirichose chingamanya kuwako, wikani ichi pa nambala thu. Wikani Chiuta pa nambala wanu. Imwe mukuti, “M’bale Branham, pa wana wane?” Pa chirichose. Wikani Chiuta pa nambala wanu. Rekani Iyo wawe nambala wanu.

¹¹¹ Eliya wakiza kufuma ku phiri, dazi limoza. Iyo waka wa mungelo, thenga, thenga la Chiuta, lakuphakazgika. Ndipo iyo wakasanga mwanakazi chokolo wakusora nkhu ni ziwiri. Iyo wakati, “Ruta, ukandipangire chibama pachoko, ndipo ukanditorere maji pachoko.”

¹¹² Ndipo iyo wakati, “Umo uzima winu uliri wamoyo, ine ndiri na wakukwana waka vibama pachoko, panji wakukwana bara la tirigu, kuti nipange chikondamoyo chimoza chichoko. Ndipo ine ndiri waka na mafuta ghakukwana kuti ninjire, kuti nkhasazge, kuwa ghakukhomeskera. Ndipo ine nkhusora nkhu ni ziwiri.” Kachitiro-kakale kaka wa kakuti, aka ndi kachitiro ka Chimwenye, ka kupinjikanga nkhu ni na kubuskanga uwu kufumira pakatikati, na kurutiriranga kusonkhezgeranga mkati. Kanandi wakapanga moto pa msasa ngati ntheura. Wakati, “Ndipo ine niphikenge chikondamoyo chichoko chira cha ine na mnyamata wane, bonda wane. Ndipo ise tiryenge ichi na kufwa.” Kuka wa chilangalanga pa virimika vitatu na myezi sikisi, kuka wavye maji kulikose.

¹¹³ Wamazaza yura, muprofeti wakale, wakamula wiska mwanakazi yura ku maso. Iyo wakati, “Ruta, udankhe kuniphikira ine.” Kulangura uli, kuti mwanarumi waphalire mwanakazi chokolo, wanjara yakufwa nayo, kuti wadankhe kumuryeska iyo. Kasi iyo wakayowoya vichi? “Pakuti NTHEURA WAKUTI YEHOVA, chiwiya chikamukenge yayi, nesi supa kukamuka, mpaka Chiuta watume vura pa charu chapasi.”

Nambala wanu, Chiuta. Iyo wakanjira ndipo wakaphika chikondamoyo pachoko, ndipo wakiza wakapereka ichi kwa muprofeti. Wakawererako ndipo wakaphika chimoza chinyakeso, na chimoza chinyakeso, na chinyake, na chinyake. Ndipo chiŵiya chikakamuka yayi, panji supa kukamuka, mpaka Chiuta wakatuma vura pa charu chapasi. Iyo wakaŵika Chiuta panthazi pa ŵana ŵake. Iyo wakaŵika Chiuta panthazi pa chirichose. Iyo wakatora Ufumu wa Chiuta, chakudankha.

114 Chiuta wakwenera kuŵa na malo ghakudankha mu mtima winu, malo ghakudankha mu umoyo winu, malo ghakudankha mu chirichose imwe mukuchita panji icho imwe muli. Chiuta wakwenera kuŵa wakudankha. Iyo wakukhumba malo ghachiŵiri yayi. Iyo wakwenerera malo ghachiŵiri yayi. Iyo wakwenerera chiweme chomene, ndipo chakudankha, ndipo vyose ivyo ise tiri navyo. Iyo wakwenerera ichi. Litumbikike Zina Lake lituŵa!

Pakuti Chiuta nayoso kuchitiranga... ukaboni, iyo wakapereka ukaboni, vyose na vimanyikwiro na vyakuziziswa, ... minthondwe yakupambanapambana, na vyawanangwa vya Mzimu Mutuŵa, kwakulingana na khumbo lake yekha?

115 Ntha icho ŵanthu ŵakuyowoya, icho mpingo ukayowoya, kweni icho likaŵa khumbo la Chiuta. O, ise tikwenera kuti tipenje khumbo la Chiuta, ntha kutemwerekka na muzengezgani winu, ntha kutemwerekka na ŵana ŵinu, ntha kutemwerekka na mfumu winu panji muwoli winu. Kweni, penjani khumbo la Chiuta, ndipo chitani dankha icho. Pamanyuma chinyake chirichose, khumbo la muwoli na khumbo la ŵana, vizenge nkhanira pamoza na ichi. Kweni, ŵikani Chiuta pakudankha.

116 Wonani, sono.

Pakuti nkhu ŵangelo chara uko wali kupereka ulamuliro wa charu icho chikwiza, cheneicho ise tikuyowoya.

117 Munthowa yinyake, Ŵangelo ŵakuru awo ŵakutumikira Kuchanya, Gabriel, Mikayeli, Woodworm, na makhumi gha masauzandi kwandaniska makhumi gha masauzandi gha Ŵangelo ŵa Kuchanya; panji makhumi gha mahandiredi gha ŵaprofeti awo ŵali kuŵapo pa charu chapasi, waliyose wa iwo; Iyo ntha wali kuŵika munyake wa iwo kuti waŵe na ulamuliro pa charu icho chikwiza, icho ise tikuyowoya. Ntha yumoza! Iyo ntha wakati, “Yesaya, iwe uzamulamulira charu.” Iyo ntha wakapereka ulamuliro wa charu kwa Eliya. Nesi Iyo wakapereka ichi kwa Gabriel, panji mungelo munyake, mzimu unyake wakutumikira.

118 Wonani icho iyo wakayowoya, Paulos, wachali kumukwezganga Khristu, cheneicho ise tikuyowoya.

Kweni yumoza mu malo ghanyake wakachitira ukaboni, kuti, Kasi munthu ndinjani, kuti imwe mumukumbuke iyo? panji mwana wa munthu, kuti imwe mungamanya kumuyendera iyo?

Imwe muli kumulenga iyo wakucheperako pachoko ku wangelo; imwe muli kumuvwarika mphumphu yauchindami na ntchindi, ndipo mwamukhazika iyo kuwa wakulamulira ntchito za woko linu:

119 Sono, usange imwe mukukhumba kuti muwazge icho, ndi Masalmo 8:4-6, David wakuyowoya. Sono kasi iyo wakamuchema kuti David wakaŵa njani apa? Icho chikukhazikiska ichi, nkhanira kula, kwali ine nanguneneska mlenji uwu, pa muprofeti.

120 Iyo wakati, “Pakuti yumoza wa wangelo wakayowoya mu malo ghanyake.” David, thenga la Chiuta, wakaŵa mungelo wa Chiuta, pakuti iyo wakaŵa thenga la Chiuta. Mungelo wakayowoya, David wakayowoya, mu Masalmo, “Imwe mukumulenga Iyo wakucheperapo pachoko ku Wangelo wa Kuchanya.” Mungelo wakayowoya kuti Chiuta wakumulenga Iyo wakucheperapo ku Mungelo, mwakuti Iyo wangamanya kumuvwarika mphumphu Iyo; ndipo Iyo wangamanya kusuzgika na kulaŵa nyifwa, kuti wakwezgekereso kuchanya. Kuti Iyo wangamanya kumupanga Iyo a . . . kuhara vinthu vyose vya charu. [Pa tepi palije kalikose—Munozgi]

121 Sono, mu—mu Mateyu 28:18, ise tikuwazga ivi. Para Iyo wakati wapayikika ndipo wakaukaso pa dazi lachitatu, Iyo wakakumana na wasambiri Wake ndipo wakawatumia iwo kuti warute ku charu chose, kuti wakapharazge Ivangeli ku chilengiwa chose. Iyo wakati, “Mazaza ghose Kuchanya na mu charu chapasi ghali kupika ku mawoko Ghane. Mazaza ghose Kuchanya, mazaza ghose mu charu chapasi, ghali kupika kwa Ine.” Kasi chikaŵa chivichi? Munthu na Chiuta wakalumukizana. Logos wakazgoka thupi ndipo wakomeka, ndipo wakaukaso chifukwa cha kurunjiskika kwithu, ndipo wakaŵa Emmanuel wakuphakazgika muyirayira na muyirayira. Chiuta wakasintha malo Ghake ghakukhala, kufumira ku Chizumbe mu mitambo kutali, kufika ku mtima wa Mwana Wake, Khristu Yesu, kuti wakhale umoyo na kuwusa muyirayira. “Chiuta wakaŵa mwa Khristu.” Iyo ndi malo ghaumaliro ghakupumulirapo Mzimu.

122 Mzimu ukakhala mu kachisi, dazi limoza, imwe mukumanya icho, mu hema. “Ndipo Solomon wakamuzengera nyumba Iyo. Kweni, ndipouli, Chikurukuru nthu wakukhala mu nyumba zakuzengeka na mawoko.” “Kweni thupi Imwe mwandipangira Ine.”

123 Uko mu Buku la Milimo, chipatulo 7, para iyo wakayowoyanga, iyo wakati, “Iwo wose wakachiwonerathu

Ichi. Iwo wākamuzengera hema Iyo, Moses wakachita, wakaŵa na hema, ndipo wakaŵikamo likasa mwenemula, pakuti Chiuta wakaŵa pa Mpando wa Lusungu. Iyo wakakhala mula yayi.” Viri makora.

¹²⁴ Ntheura, “Thupi imwe mwandipangira Ine,” thupi la Fumu Yesu Khristu, wakapangika wakucheperapo ku Wangelo kuti walaŵe nyifwa; ndipo munyake yayi kweni Chikurukuru mweneyura, Khristu; Kalonga wa Mtende, Themba la mathemba, Fumu ya fumu, Mlengi wa nyenyezi yiriyose mu mlengalenga.

¹²⁵ O Chiuta! Iyo wakazgoka wakucheperapo ku chilengiwa Chake, mwakuti Iyo wangamanya kuwombora munthu (wambura nyumba, munthu wambura wovwiri), na kuŵapa iwo nyumba Kuchanya. Iyo wakaghaleka mauchindami gha Kuchanya. Iyo wakaleka Zina la pachanya chomene ilo likamanya kuchemeka. Ndipo para Iyo wakaŵa pa charu chapasi, munthu wakamupa Iyo zina la pasi chomene ilo iwo wākamanya kumupa Iyo, wākati, “Iyo wakaŵa mwana wa pathengere, kuyamba na kuyamba.” Wakababikira mu chiŵaya, wakavungirizgika mu vizwazwa vyakufuma pa goliwori la nkhabako. Kukaŵavye malo kuti waruteko, wakaŵavye nyumba yakuti waruteko. Ndipo wakachemeka, “Berezebure,” mulara wa viŵanda. Iyo wakayuzgika. Iyo wakathunyirikira mata. Iyo wakanyozeka. Iyo wakakanika, ndipo wakaruta ku vinkhwawu vyapasi chomene, ndipo wakakhizgikira ku “ghaheni chomene gha mahure.” Icho ndicho munthu wakachita kwa Iyo.

¹²⁶ Kweni Chiuta wakamukwezgera kuchanya chomene Iyo mwakuti Iyo wakuchita kulaŵiska pasi kuti wawone Machanya. Munthu wakamupa Iyo mpando wapasi chomene, wakamupa Iyo malo ghaheni chomene, zina lapasi chomene. Chiuta wakamukweza Iyo ndipo wakamupa Iyo Mpando wapachanya chomene, na Zina lapachanya chomene. Ndiyo ndi mphambano icho munthu wakachita na Mwana wa Chiuta, na icho Chiuta wakachita na Mwana wa Chiuta.

¹²⁷ Iyo wakakhira, mwakuti ise tingamanya kukwezgeka. Iyo wakazgoka ise, mwakuti ise kwizira mu uchizi Wake tingamanya kuzgoka Iyo. Iyo wakiza ku wāmbura nyumba, ndipo wakazgoka wambura nyumba Iyomwene, mwakuti ise tingamanya kuŵa na nyumba. Iyo wakiza ku ŵarwari ndipo wakazgoka murwari Iyomwene, mwakuti ise tingamanya kuchizgika. Iyo wakiza ku wakwananga, “ndipo wakazgoka kwananga, Iyomwene,” mwakuti ise tingamanya kuponoskeka.

¹²⁸ Ntchambura kuziziswa Iyo wakakwezgeka. Ntchambura kuziziswa Iyo ndi Mweneuyo Iyo wali usiku uwu. Chiuta wali kumukwezga Iyo, ndipo mazaza ghose Kuchanya na charu chapasi ghali kuperekeka kwa Iyo.

129 Para ntchito Yake pa charu chapasi yikati yamara, pano pa charu chapasi. . . Iyo wakiza ku charu chapasi, para Iyo wakati wafika waka, nyenyezi ya mlenji yikamulengeza Iyo kuti wakaŵa Mwana wa Chiuta. Iyo wakasunkhunya chiŵanda chirichose icho Iyo wakakumana nacho. Litumbikike liŵe Zina la Fumu! Viŵanda vikanjenjema ndipo vikasunkhunika, ndipo vikaromba lusungu, mu Kuŵapo Kwake. Enya, bwana. Gehena lose likamanya Cheneicho Iyo wakaŵa.

130 Wakenda mwakujikhizga, Iyo wakaŵavve malo ghakuti waŵikepo mutu Wake, pa usiku wa vura. Vinyama vyenevira ivyo Iyo wakalenga, “Tuyuni twa mu mlengalenga tuli na vivwimbo, ndipo ŵakambwe ŵali na makuluru, kweni Mwana wa munthu walije malo ghakuti waŵikepo mutu Wake wakutumbikika.” Nadi, Iyo wakaŵa.

131 Iyo wakazgoka kwananga, wakazgoka wapasi ndipo wakakanika. Kweni viŵanda vikamanya Icho Iyo wakaŵa. Ivi vikaromba lusungu. Ivi vikati, “Ntchifukwa uli Iwe ukwiza kuzakatitombozga ise pambere nyengo yithu yindafike?” Ndipo apo ŵapharazgi ŵakamuchemanga Iyo, “Berezebure, muwukwi,” viŵanda vikamuchemanga Iyo, “Mwana wa Chiuta wamoyo,” na kumurombanga lusungu.

132 O, umo ise tingalekezgera miniti pera! Kasi ndimwe njani imwe, munthowa yiriyose? Kasi ntchito iyo iwe uli nayo yikung’anamurachi? Panji kasi nyumba yichoko yira iyo ise tiri nayo yikung’anamurachi? Kasi galimoto iyo ise tiri nayo yikung’anamurachi?

133 Msungwana muchoko wakutowa, iwe kanthu kachoko kamoyo, kasi kawonekero kachoko ako kakuchita vichi ako iwe uli nako sono? Imwe ŵanarumi ŵachinyamata na lakuŵara, sisi lakugoneka, mapewa ghakunyoroka, imwe muzamubendera dazi linyake, para mwavukupara na msinkhu.

134 Kweni, yitumbikike Fumu! Imwe muli na uzima uwo ngwakubabikaso. Imwe mukhalenge umoyo muyirayira na muyirayira, chifukwa Iyo wakazgoka imwe, mwakuti imwe kwizira mu uchizi Wake mungamanya kuzgoka Iyo, na kumupangirani malo imwe.

135 O, ise taŵeneise tikughanaghana kuti tiri na kusinthira kwa vyakuwara, na magurosare pachoko mu nyumba, kasi ndise njani? Chiuta wangamanya kutora ichi mu kanyengo kachoko chomene. Mvuchi wako wamwene uli mu woko Lake. Ndipo Iyo wali pakati pithu kuti wachizge ŵarwari, kuti walengeze na kuzomerezga, na kuroskera, ndipo nyengo yiriyose ndendende. Ndipo wakukhwaskika mwakukwanira nanga nkhuwezgereska kachoko, kasomba kachoko kuwerera ku umoyo kamozaso, pakati pithu. Yehova pakati pithu, Yehova mwa ise, mukuru na wankhongono INE NDINE.

136 Para Iyo wakati wafwa, iwo wākaghanaghana kuti iwo wākamarana nayo Iyo. Iyo wakaruta ku gehena. Para Iyo wakati wafumapo pa charu chapasi dazi lira para Iyo wakati wapayikika, Iyo wakaruta mu vigaŵa vya wākutayika. Baibolo likati, “Iyo wakaruta ndipo wakapharazga ku mauzima agho ghakaŵa mu gadi, awo wākarapa yayi mu kuzizipizga kwa nyengo yitali, mazuŵa gha Nowa.” Para Iyo wakati wafwa, ndipo Mzimu Wake ukamuleka Iyo, Iyo wakazgoka Logos kamozaso. Iyo, ine nkhuwona, wakati, “Ine nkhafuma kwa Chiuta. Ine nkhuwerera kwa Chiuta.”

137 Ndipo Chiuta wakaŵa Laŵi lira la Moto ilo likarongozga ŵana ŵa Israel mu mapopa. Ndipo para Iyo wakaŵa pano pa charu chapasi. . . Ndipo para Iyo wakati wafwa, Iyo wakawerera ku Kuŵara kamozaso. Paulos wakamuwona Iyo, ndipo Iyo wakaŵa Kuŵara. Palije munyake wa iwo wakamuwona Iyo. Iwo wākamuwona Paulos wakuwa. Chinyake chikamutimba iyo, ndipo Ichi chikaŵa Kuŵara. Paulos wakati, “Kasi ndinjani Uyu mweneuyo ine nkhezikizga?”

138 Iyo wakati, “Sauli, Sauli, kasi iwe ukundizikizgirachi Ine?”
Wakati, “Kasi ndinjani Uyu?”

139 Iyo wakati, “Ine ndine Yesu, uyo iwe ukuzikizga, ndipo ntchinonono kwa iwe kulimbana na minga.”

140 Ntheura iyo wakaruta ndipo wakasambira Kuŵara kula. Paulos wakaruta mu Baibolo, kuti wafufuze icho Kuŵara kula kukaŵa. Ndipo iyo wakalemba Kalata iyi. Iyo ndi Yehova mweneyura. Kuŵara kwenekula kukaŵa mu mapopa na ŵana ŵa Israel. Ndipo para Petros wakaŵa mu gadi, Iyo wakaŵa Kuŵara uko kukanjira mkati ndipo kukajura vijaro.

141 Ndipo mwa uchizi Wake, ntheura palije wazamkuŵa na pakungwenthera. . . O, usange iwo wāngagharuwa mathenga ghambura kusambira, na kukumbuka: ndi thenga yayi, ndi Uthenga. Iyo wafikaso, na ise, mu kawonekero ka Laŵi la Kuŵara. Ndipo Iyo wakwenda na minthondwe Yake yeneyira na vimanyikwiro, chinyake yayi kuwaro kwa Baibolo; kukhalanga nkhanira na Baibolo, kukoreskanga ichi mwakupulikira, kukhazikiskanga uchindami Wake, kuwoneskanga nkhangono Yake. Litumbikike Zina Lake lituŵa!

142 Ine nkhumanya imwe mughanaghanenge kuti ine nazerezeka; kweni, o, Mupumulo wakutumbikika Wamuyirayira ula uwo uli mu uzima wane, nangauli mphepo zingaputa, nangula yane yikunikhozga mkati mu chidiko.

143 Ndipo kumuwona Iyo para Iyo wakati wafwa, mpaka, mwezi ukagwada mwawofi. Zuŵa likazimwa liri pakatikati pa muhanya. Ndipo para Iyo wakati waruta ku vigaŵa vya wākutayika, [M’bale Branham wakutchaya pa gome—Munozgi] wakatchaya pa chijaro, ndipo chijaro chikajurika. Baibolo likati, “Iyo wakapharazga ku mauzima agho ghakaŵa mu gadi, awo

ŵakarapa yayi mu kuzizpizga kwa nyengo yitali mu mazuŵa gha Nowa,” pamanuma pakuti Iyo wakati wafwa pa charu chapasi ichi. M’bale wane, mlongosi wane, para Iyo wakati wafwa, ntchito Yake pacharu chapasi yikamara, kweni Iyo wakagwiranga ndithu ntchito. Ndipo Iyo wachali ndithu pa ntchito usiku uwu. Amen.

¹⁴⁴ Iyo wakakhung’uska pa vijaro vya ŵakutayika. Baibolo likayowoya kuti Iyo wakachita. Ndipo Iyo wakachitira ukaboni, “Ine ndine Mbewu ya mwanakazi. Ine ndine Iyo uyo Adam wakayowoya. Ine ndine Mweneuyo Enoki wakayowoya kuti wazamkwiza na makhumi gha masauzandi gha ŵatuŵa Ŵake. Ine ndine Mwana wa Chiuta wamoyo, ndipo imwe mukakana dazi linu la uchizi. Kweni ichi chikachimika kwa imwe, kwizira mu ŵangelo, Enoki, Nowa, kuti Ine nkhwenera kuti nifike kuti nikwaniriske Lizgu lirilose la Baibolo la Chiuta. Ine ndiri kuno ngati kaboni mu ichi ‘charu cha ŵakutayika.’” Ndipo Iyo wakapharazga kwa iwo.

Kula Iyo wakaruta ku gehena, nkhanira ku miryango ya gehena, wakakhung’uska pa chijaro. Devulu wakajura chijaro, wakati, “Ine nakusanga Iwe sono.”

¹⁴⁵ Wakakwamphura makiyi ghara kufuma kulwandi kwake, wakati, “Iwe devulu, iwe uli kuŵa mupuruski kwa nyengo yitali.” Ichi chiri apa, nkhanira umu mu Baibolo. Ine nifikengeko ku ichi mu miniti pera. “Iwe uli kuŵa mupuruski kwa nyengo yitali, kweni Ine nafika kuzakatora ulamuliro.” Wakapoka makiyi ghara ndipo wakamukankhira mkati iyo, ndipo wakajara chijaro.

Wakawerako ndipo wakatora Abraham, Isaac, na Jacob. Pa dazi lachitatu Iyo wakauka, ndipo iwo ŵeneawo ŵakagona tulo mu dindi ŵakauka pamoza na Iyo. O, aleluya! Ntchambura kukuziswa mlembi wakati:

Kukhala umoyo, Iyo wakanditemwa ine;
kufwa, Iyo wakandiponoska ine;
Kusungika, Iyo wakanyamulira zakwananga
zane kutali;
Kuwuka, Iyo wakandirunjiska kwaulere
muyirayira:
Dazi linyake Iyo wafikenge—o, dazi
lauchindami.

¹⁴⁶ Kutumbikike kuŵe kukoleranako uko kukumangilira mitima yithu na wenenawene wa Chikhristu, chitemwa cha Chiuta. Para Iyo wakati wauka, Iyo wakamarizga yayi, wakaŵa wachali. Iyo wakaŵa na ntchito yinandi yakuti wachite.

¹⁴⁷ Baibolo likati, “Iyo wakakwera Kuchanya ndipo wakapereka vyawanangwa ku ŵanthu.” Pakaŵa mlengalenga ukalendera pachanya pa charu chapasi, wa mdima, wa chitima, wa nyifwa, na kuvuka. Malurombo ghakatondekanga

kukwera kuchanya, chifukwa Mphepisko yikaŵa yindachitike. Kweni, Iyo wakaporota chakutchinga chira. Iyo wakajura nthowa. Iyo wakadumura chakutchinga cha urwari. Iyo wakadumura chakutchinga cha kwananga. Iyo wakadumura chakutchinga cha kuvuka. Iyo wakadumura chakutchinga cha kukhumudwa. Iyo wakadumura chakutchinga chirichose, ndipo wakamupangira msewu ukuru mwendanthowa, kwendanga pa msewu ukuru wa Fumu. O, mwe, para Iyo wakati wajumpha mwezi, na nyenyezi, wakarutirira na kurutirira!

¹⁴⁸ Kurondezganga, kumanyuma Kwake, kukiza ŵatuŵa ŵa Chipangano Chakale, Abraham, Isaac, na Jacob. Iwo ŵakakwera nkhanira kuchanya kunjira mu milengalenga ya Kuchanya. Para iwo ŵakaŵa patali chomene na Msumba, ine nkhumanya kuŵawona iwo ŵakwinuska maso ghawo. Abraham wakati, “Ula ndi Msumba uwo ine nkakhumbanga kuti nizakawone. O, zanga kuno, Isaac. Zanga kuno, Jacob. O, ise tikaŵa ŵamwendanthowa na ŵalendo pa charu chapasi, kweni ula ndi Msumba. Ula ndi Wenuwo ise takhala tikulindizga.”

¹⁴⁹ Ndipo Baibolo likati iwo ŵakachemerezga, “Jurikani, imwe vipata vyamuyirayira, ndipo imwe jurikani, pakuti Fumu Yauchindami yikwiza.”

¹⁵⁰ Ndipo Ŵangelo kumanyuma kwa vipata ŵakachemerezga ku ŵangelo aŵa kumanyuma uku, ndipo ŵakati, “Kasi ndinjani Fumu iyi ya Uchindami?”

¹⁵¹ Ndipo ŵangelo kuwaro uku, ŵaprofeti, ŵakati, “Yehova wa Mipingo, Mwenekhongono mu nkondo.”

¹⁵² Ndipo iwo ŵakadofya mabatani ndipo chijaro chikuru chikajurika. Nkhanira kujumpha mkatikati mwa misewu Iyo wakiza, Chatonda, watonda, na ŵatuŵa ŵa Chipangano Chakale ŵakwenda kumanyuma Kwake. Wakakhala pasi pa Chizumbe, wakati, “Ŵadada, aŵa ŵali apa. Iwo Mbinu.”

¹⁵³ Iyo wakati, “Kwerani kuchanya kuno ndipo khalani pasi, mpaka Ine niŵike ŵarwani Ŵinu wose pasi pa chitambaliro Chinu.” Apo ise tikuŵazga, ise tikuchisanga icho umu mu Lemba. Viri makora.

¹⁵⁴ Tegherezgani. Sono kuti ise tiri pa vesi ili la 8:

Ntheura iyo wali *kuŵika vinthu vyose pasi pa muwuso wa marundi ghake. Pakuti. . . iyo wakawika vinthu vyose mu muwuso pasi pa marundi ghake, iyo wakasidako chirichose yayi icho ntha chiri. . . pasi pake. Kweni sono ise ntha tikuwona. . . vinthu vyose vyaŵikika pasi pake.*

Cheneicho ndi, nyifwa. Ise ntha tikuwona nyifwa, kweni, chifukwa chakuti ise tichali kufwa. Ise tikuyiwona nyifwa.

Kweni, vesi 9, “Kweni ise tikuwona Yesu!” Amen. Tegherezgani.

...ise tikuwona Yesu, uyo wakalengeka mwakucheperapo pachoko ku ŵangelo kuti wasuzgikire ku nyifwa, wakavwarikika mphumphu yauchindami na ntchindi; mwakuti iyo mwa uchizi wa Chiuta walaŵe nyifwa chifukwa cha munthu waliyose.

Ntchifukwa uli Iyo wakalengeka wakucheperapo ku Ŵangelo? Mwakuti Iyo wangamanya kulaŵa nyifwa. Iyo wakayenera kuti wafwe. Iyo wakayenera kuti wafike, kuti wazakafwe.

¹⁵⁵ Laŵiskani kuno, ŵabwezi. Ntha, kuruwa yayi ichi. Para Yesu wakarutanga, kukweranga phiri, nyifwa yikadumanga mumphepete mwa mutu Wake.

¹⁵⁶ Tiyeni titore chithuzithuzi chithu ku Yerusalemu, virimika thu sauzandi vyajumpha. Ndipo kasi imwe mukanenge uli Ichi? Ine nkhumulika chiwawa chikwiza ku msewu. Kasi ichi ntchichi? Ndi kubumbuvuka kwa chinthu chinyake. Ndi mphinjika yakale yakulimba yikwiza, yikuruta kuwaro kwa vipata vya Damaseko, kubumbuvukanga pa msewu wa mawe gha sangalawe. Mawe ghakuru ghara gha sangalawe ghachaliko. Kubumbuvukanga pa mawe ghakuru agha gha sangalawe, bumbuvu-bumbuvu. Ine nkhuwona manthonyezi gha Ndopa pa msewu. Kasi ichi ntchichi? Ndi Munthu uyo wachita chiheni yayi; palije kweni chiweme. Ŵanthu ŵakaburumutizgika. Iwo ŵakamumanya yayi Iyo. Iyo ŵakamupanikizga yayi Iyo.

Imwe mukuti, “Ŵachiburumutira? Kasi iwo ŵakaŵa nako kulaŵiska kwawo?”

¹⁵⁷ Imwe mungamanya kuŵa nako kulaŵiska kwinu na kuŵa ŵachiburumutira. Imwe mukugomezga icho? Baibolo likayowoya ntheura. Mukukumbukira Elisha kusika ku Dotan? Iyo wakaruta ndipo wakatimba ŵanthu na uchiburumutira, wakati, “Sono rondegani ine.” Iwo ŵakaŵa ŵachiburumutira kwa iyo.

¹⁵⁸ Ndipo ŵanthu mbachiburumutira usiku uwu. Mpingo unyake uwo ukugomezga yayi mu machirisko Ghauzimu, ukiza kwa ine nyengo yimoza, ndipo ukati, “Nitchaye uchiburumutira ine. Nitchaye uchiburumutira ine.” Kukaŵa ku nyumba ya M’bale Wright. Wakati, “Nitchaye uchiburumutira ine.” Wakati, “Paulos wakatimba munthu uchiburumutira, nyengo yimoza.” Wakati, “Nitchaye uchiburumutira ine.”

¹⁵⁹ Ine nkhati, “Mubwezi, devulu wachita kale ichi. Iwe ndiwe wachiburumutira kale. Nadi, iwe waburumutizgika.”

¹⁶⁰ Iyo wakati, “Chizga msungwana muchoko uyu ndipo ine ndikugomezgenge iwe.”

¹⁶¹ Ine nkhati, “Ponoska wakwananga yura ndipo ine nikugomezgenge iwe.” Nadi.

¹⁶² “O,” iyo wakati, “iyo wakwenera kuti wagomezge.”

163 Ine nkhati, “Chinthu chimozi apa, ichi chikwenera kuti chizire mu uchizi wakukhazikika wa Chiuta.”

164 Devulu, m—chiuta wa charu ichi, waburumutizga maso gha wanthu. “Iwo wāli na maso kweni iwo wākuwona yayi,” Baibolo likayowoya.

165 Iyo wakaŵa apa, wakuruta wakukwera na msewu, kukwekwetanga vikandiro vya Ndopa pa msewu. *Njuchi* ya nyifwa yikamurumanga Iyo zingirizge, kudumanga pa Iyo, “Kanyengo kachoko waka ndipo Ine nikukorenge Iwe.” Iyo wakafokanga, kukhumbanga maji ghakumwa.

166 Ine nkhalasika nyengo yimoza, nkhangona kuno mu munda, ndopa kusuluranga waka mwa ine. Ine nkachemerezga kukhumba maji. Ndipo mubwezi wane wakachimbilirako, wakatora kapu yake ndipo wakakhizgira iyi mu maji; ghakale ghambura kwenda, vibungu mu maji. Wakiza nagho, ndipo ine nkhajura mlomo wane; iyo wakafinyiramo ghara. Chifukwa, ndopa zikasuluranga ngati mbwiwi, apo ine nkhalasika pakaparuka mu viduswa na futi. Nyota!

167 Ntheura ine nkhumanya umo Fumu yane yikwenera kuti yikaŵira, pamanyuma pa kusulura ndopa mlenji wose ula, kufuma nayini koloko kufika firii koloko kumise, kutayanga Ndopa zose zira. Ine nkhuwona munjilira Wake, chakudankha, ngati madonthomadontho ghachoko pa uwu. Ndipo madontho ghose ghara ghakayamba kukura ndipo ghakakumana pamoza, ghakapanga kuthimbilira kukuru kumoza kwa Ndopa, kumutimbanga Iyo pa rundi apo Iyo wakendanga. Zira zikaŵa Ndopa za Emmanuel. O, charu chapasi chikaŵa chakwenerera yayi za Ichi.

168 Kweni apo Iyo wakukwera mtunda, *njuchi* iyi kumugandanga Iyo zingirizge. Kasi iyi yikachita vichi? Iyi paumaliro yikamuruma Iyo.

Kweni, m'bale, waliyose wakumanya, kuti chibenene panji njuchi, usange iyi yakuruma iwe kamoza, chira chikumazga ntchito ya kuruma. Iyi yingarumaso yayi. Chifukwa, para iyi yikufumapo, iyi yikuzgura liwozga lake.

Ndicho chifukwa Chiuta wakayenera kuti wazgoke thupi. Iyo wakaŵika liwozga la nyifwa mu thupi Lake, ndipo Iyo wakazgura liwozga kufuma ku nyifwa. Litumbikike Zina la Fumu! Nyifwa yingamanya kuduma na kuruma, kweni iyi yingamupwetekani yayi imwe.

169 Paulos, para iyo wakati wayipulika *njuchi* yira yikuduma kuzingilira iyo, nyifwa yikizanga kufupi. Iyo wakati, “O nyifwa, kasi liwozga lako lirinkhu?” Iyo wakamanya kurongora ku Mphinjika uko ili likasidika mu thupi la Emmanuel. “Kasi kulinkhu kutonda kwako? Kweni viwongo virute kwa Chiuta uyo wakutipa ise kutonda kwizira mwa Fumu yithu Yesu Khristu.” Enya.

170 Ise tikuwona vinthu vyose yayi.

Kweni ise nadi tikuwona Yesu, uyo wakalengeka mwakucheperako pachoko ku wangelo kuti... kusuzgika na nyifwa,...

Pakuti ntchakwenerera kwa iyo, kwa mweneuyo vyose—vinthu vyose, kuti kwizira mwa iyo ise tiri na vinthu vyose, mu mtendeko... wana wanandi... ndipo wakazgoka chirongozgi mukuru wa chiponosko chithu... kwizira mu kusuzgika.

Nthowa yimoza pera Iyo wakamanya kuwa Chirongozgi wa chiponosko chithu, Iyo wakayenera kuti wasuzgike.

171 Tegherezgani ku Mazgu ghakutowa agha apa sono. Sono tegherezgani.

Pakuti iyo mweneuyo wakutuwiska na iwo weneawo watuwiskika wose ndi... yumoza:...

O, kasi imwe mukuyiwona yayi Mpheska na munthavi kula? Vyose ntchimoza.

... pa chifukwa ichi iyo waliye soni kuti wachemeke m'bale,

Mukuwona? Chifukwa? Tegherezgani, vesi lakurondezgako.

Kuti, ine nilengezenge zina lako ku wabale wane, pakati pa mpingo ine niyimbenge marumbo kwa iwe.

Ndipo kweniso, ine niwikinge chigomezgo chane mwa iyo. Ndipo kweniso, Wonani ine na wana weneawo imwe muli kundipa ine.

Chifukwa mwantheura umo wana waliri wathupi na ndopa, iyo nayoso mwakuyana wakatora gawo la chenechira; kuti kwizira mu nyifwa iyo wangamanya kumusakaza iyo mweneuyo wali na mazaza gha nyifwa, ndiko kuti, devulu;

Na kuwawombora iwo kwizira... pakuti a... kwizira... chifukwa cha nyifwa nyengozose waka wa wakulambika kufika ku uzga.

172 Munthu nyengo zose wakawopanga nyifwa. Khristu wakazgoka kwananga, wakakhizgika, kuti watorere nyifwa pa Iyomwene. Ndipo Iyo waliye soni kuchemeka “M'bale,” withu pakuti Iyo wakayezegeke ngati ndiumo ise tikuyezegekera. Ndipo Iyo wangamanya kupanga a... kuwa mtundu wakwenerera wa muweyereri, chifukwa Iyo wakatonda mtundu weneula wa kuyezegeka uko imwe mukutonda. Ndipo Iyo wakatora malo ghinu, kumanyanga kuti imwe nthena mukatora yayi ichi mwa wene.

173 Ntheura, kasi iwe ukuwona yayi, m'bale, mlongosi? Chinthu chose ndi uchizi. Chose cha ichi ndi uchizi. Ntha ndi icho imwe mukuchita, munthowa yiriyose. Ndi icho Iyo wali kumuchitirani

kale imwe. Sono, imwe ntha mungachita chinthu chimoza icho chingamutorerani chiponosko chinu. Chiponosko chinu ndi chawanangwa. Khristu wakazgoka kwananga, mwakuti imwe mungamanya kuwa w̄arunji. Ndipo Iyo ndi mtundu wakwenerera wa Chirongozgi Mukuru wa chiponosko chithu, chifukwa Iyo wakasuzgika ngati ndiumo ise tikusuzgikira. Iyo wali kuyezgeka ngati ndiumo ise tikuyezgekera. Ndipo Iyo walije soni kuchemeka “M’bale withu,” chifukwa Iyo wakumanya ivyo ise tikujumphamo. O, litumbikike Zina Lake!

Pakuti nadi iyo ntha wakatorera pa iyo kawonekero ka w̄angelo; kweni iyo wakatorera pa iyo mbewu ya Abraham.

174 O, mwe! Iyo ntha wakazgoka Mungelo. Iyo wakazgoka Mbewu ya Abraham. “Ndipo ise, pakuwa w̄akufwira mwa Khristu, tikuwa Mbewu ya Abraham, ndipo ndise w̄ahaliri kwakulingana na phangano.” Mukuwona? Iyo ntha wakatora kawonekero ka Mungelo. Iyo ntha wakazgoka Mungelo. Iyo wakazgoka Munthu. Iyo wakazgoka Mbewu ya Abraham, ndipo wakatorera liwozga la nyifwa mu thupi Lake Yekha, kuti watipemphaniskire ise tiwerere kwa Chiuta, ndipo sono wakhala kula ngati Muweyereri. Mwe, kasi ise tikanenge uli Ichi, mubwezi?

175 Tegherezgani.

Mwantheura mu vinthu vyose ichi chikamukakamizga iyo kuti waŵe ngati ndi w̄abale w̄ake, mwakuti iyo wangamanya kuwa msofi mukuru wa lusungu na wakugomezgeka mu vinthu vya kukhwaskana na Chiuta, kuti wapange uphemaniski. . . kwananga kwa w̄anthu.

176 Mwakuti Iyo wangamanya kuwa Muphemaniski! Wonani, pakuwa urwani pakatikati pa Chiuta na munthu. Ndipo kulije munthu. . .

Iwo w̄akatuma w̄angelo, w̄aprofeti. Iwo w̄akatondeka kutora malo ghinu, chifukwa iwo w̄akayenera kuti w̄ajirombere iwoŵene. Iwo w̄akatondeka kutora malo.

177 Pamanyuma, Iyo wakatuma dango. Dango likaŵa wapolisi uyo wakutiwika ise mu gadi. Ili likatondeka kutifumiskamo ise. Iyo wakatuma dango.

Iyo wakatuma w̄aprofeti, Iyo wakatuma w̄arunji, na chirichose, vikatondeka kupanga mphepisko. Kweni Iyo wakakhira ndipo wakazgoka yumoza wa ise. O, mwe!

178 Ine nakhumbanga nthena tanguwa na nyengo yinandi sono nthena, ine nkukhumba kuti nimutorerani imwe ku dango lira la uwombozi; kweni ise tilije, kweni pa kanyengo waka. Chithuzithuzi chiweme chiri mwa Rute na Naomi. Usange imwe muwonenge kula, uphemaniski, umo kuti mlimi, munthu

uyo wakayenera kuti wawombore wakutayika na katundu wa chipondi, wakayenera kuwa wapachibale kwa munthu uyo wakaŵa na katundu wa chipondi. Ndicho chifukwa Boaz wakayenera kuwa a . . . wakaŵa wa pachibale kwa Naomi, kuti iyo wakamanya kutora Rute. Ndipo ntheura, iyo wakayenera kuwa wakwenerera. Iyo wakayenera kuwa wakukwanira kuchita ichi, kuti wawombore wakutayika. Ndipo Boaz, pa chipata, yakapereka ukaboni wa pagulu, pakuchita kuvura skapato wake, kuti iyo wakawombora Naomi na katundu wake yose. Ndipo iyo wakayenera kuwa wa pachibale.

¹⁷⁹ Ndipo ndicho chifukwa chakuti, Khristu, Chiuta, wakayenera kuzgoka wa pachibale kwa ise. Ndipo Iyo wakakhira pasi ndipo wakaŵa Munthu. Ndipo Iyo wakasuzgika na kuyezgeka. Ndipo Iyo wakasekeka, wakahoyeka, ndipo wakazikizgika, ndipo wakakanika, ndipo wakachemeka “Berezebure,” ndipo—ndipo wakasinjurika, ndipo wakafwa nyifwa ya chilango cha kuchita kukomeka. Mukuwona? Iyo wakayenera kuwa wa pachibale kwa ise. Iyo wakayenera kuti wachomboreke mwakumupusikizgira, chifukwa imwe mukuchomboreka mwakumupusikizgirani. Iyo wakayenera kuti wanyamure urwari, chifukwa imwe mukarwara. Iyo wakayenera kuti wanyamure zakwananga, chifukwa zikaŵa zakwananga zinu. Ndipo Iyo wakayenera kuwa wa pachibale. Nthowa yimoza pera Iyo wakayenera kuti watiwomborere ise yikaŵa yakuti wazgoke wa pachibale kwa ise. Ndipo umo Iyo wakazgokera kuwa wa pachibale, ndi pakuchita kutora kawonekero ka thupi lakwananga na kuwa yumoza wa ise. Ndipo mu icho, Iyo wakalipira mlandu ndipo wakatiwombora ise kuwereramo mu wenenawene wa Wadada. O, Muponoski uli! Mazgu ghangarongosora yayi ichi.

Pakuti mu icho iyoumwene wakasuzgika pakuti wakupulikira, . . . na wamagomezgeko kovwira iwo ūweneawo ūwakuyezgeka.

¹⁸⁰ *Kovwira* chikung’anamura “kupembuzga.” Kuti, chifukwa icho Iyo wakazgoka kuwa *ichi*, mwakuti Iyo wangamanya kuwa wakumuchitirani chitima imwe mwaŵeneimwe muli . . . muli na *mwakukwera* na *mwakukhira* mwinu, na *vyamkati* vinu vichokovichoko na *vyakuwaro*, ndipo viyezgo vinu vikuŵa vikuru chomene mwantheura imwe mukutondeka kutonda ichi. Iyo wakumanya umo wangamupembuzgirani imwe. Iyo wakhala apo, kuti wapange maŵeyerero. Iyo wakhala apo, kuti wamutemwani imwe. Ndipo nangauli imwe mukupurukira, Iyo wamutayeninge yayi imwe. Iyo wamupenjeninge ndithu imwe na kukhung’uska pa mtima winu. Mulije chiwereranyuma mu nyumba iyi kweni kuti wakumanya kuti Chiuta wakukhung’uska pa mtima wake dazi lililose. Ndipo Iyo wachitenge ichi malinga iwe ndiwe munthu wamoyo pa

charu ichi, pakuti Iyo wali kukutemwa iwe. Iyo wakakuwombora iwe.

181 W̄alembe w̄ali kuyezga, w̄amwati w̄akuyezga, munthu wakuyezga kurongosora mutu ula wa “chitemwa,” ndipo ichi chingasangika yayi mu kurongosora kwa munthu. Yumoza wakati:

O, chitemwa cha Chiuta, umo chiliri chikuru
na chituw̄a!

Umo chiliri chakuzama na chakukhora!

Ichi chikhilirirenge muyirayira,

Sumu ya W̄atuw̄a na W̄angelo.

Usange ise na inki tizuzge nyanja,

Ndipo mitambo yikaŵenge pakulemba;

Phekesi lililose pa charu chapasi liw̄e
chakulemba,

Ndipo munthu waliyose wantchito ya ulembe;

Kuti w̄alembe chitemwa cha Chiuta kuchanya

Nyanja mbwenu yikamukenge;

Panji pakulemba pose pazurenge,

Nangauli w̄angatambasura kufuma mtambo

kufika ku mtambo.

182 Imwe muzamupulikiska yayi. Kuliye nthowa kwa ise yakuti tingamanya kupulikiskira kuti umo sembe yikuru yira, yeneiyo Iyo wakachita, wakakhira ndipo wakatiphemaniskira ise kwa Chiuta. Ntheura Iyo wakarutasa ndipo wakati, “Sono, Ine ndimulekaninge kwambura musangurusi yayi. Ine ndizamwizaso ndipo ndizamkuw̄a na imwe, nanga ndi mwa imwe, kufika ku umaliro wa charu.”

183 Ndipo ise tiri pano muhanyauno, kukhalanga mu nyengo yaumaliro, na Yesu mweneyura, vinthu vyenevira, vimanyikwiroy vyenevira, vyakuziziswa vyenevira, chiponosko chenechira, Mzimu weneula kuchitanga vinthu vyenevira, Ivangeli lenelira, Mazgu gheneghara, vyezgerero vyenevira, mawonekero gheneghara, chirichose. Chikutikakamizga ise ntha kuzereza chiponosko chikuru ichi, pakuti ise tikwenera kuti tizakazgore, dazi linyake, na icho ise tikuchita na Mwana wa Chiuta.

184 Iyo wali pa woko lako usiku uwu, wakwananga, chiworeranyuma. Kasi iwe uchitenge vichi na Iyo? Iwe ukuti, “Enya, ine nichikanenge Ichi.” Kweni, kumbuka, kuchita yayi icho. Kuliye nthowa, napachoko pose, usange ndiwe wakwananga, kuti iwe ungamanya kufuma mu nyumba iyi na kuw̄a chimozi. Iwe ungachita yayi ichi.

185 Pilato, nyengo yimoza, wakayezga kuchita ichi. Iyo wakachemeska maji pachoko ndipo iyo wakageza mawoko ghake. Wakati, “Ine ndilije chakuchita chirichose na Ichi. Ine ndiri waka chimozi ngati kuti nkachiwona yayi Ichi. Ine nkhalipulika yayi Ivangeli. Ine nkukhumba kuchita chirichose

yayi na Ichi.” Kasi iyo wakafumiskapo Ichi pa mawoko ghake? Iyo wakachita yayi.

186 Paumaliro, imwe mukumanya icho chikachitika kwa Pilato? Iyo wakazweta mutu. Ndipo kula mu Switzerland, uko ise tikaŵa chirimika chamara, kupharazganga Ivangeli, sono pali nkhani yakale iyo yikayowoya, kuti, kuli chiziŵa cha maji kula, uko ŵanthu ŵakwiza kufuma ku charu chose, kuti ŵazakawone, chirimika chirichose, pa nyengo ya kupayikika. Pilato, iyo wakajiponya iyomwene ku nyifwa, pa kuchita kujikoma, kudukira mu maji agha na kujibizga iyomwene. Ndipo chirimika chirichose, pa dazi lenelira, maji gha bluu ghakubwata kufuma mu chiziŵa chira, kuwoneska kuti Chiuta wakaghakana maji. Maji ghangachapa yayi Ndopa za Yesu mu mawoko ghako panji uzima wako. Pali nthowa yimoza pera ya kuchitira ichi, iyo ndi kuzomera Ichi ngati chigowokero chako wamwene ndipo uphamaniskikire kwa Chiuta.

Tiyeni tirombe.

187 Ŵadada Ŵakuchanya, ise tikumuwongani Imwe usiku uwu chifukwa cha Mazgu. “Pakuti chipulikano chikwiza pa kupulika, ndipo kupulikanga Mazgu.” Ise tikumuwongani Imwe chifukwa cha Yesu. Ndipo apo ise tikuwona dazi likuru ili leneilo ise tikukhalamo, umo kuti vimanyikwiro na vyakuziziswa, umo ise tikuzomerezgera vinthu ivi kutipulumuka. Chiuta, jurani maso gha ŵanthu mu kachisi uyu, usiku uwu, mwakuti iwo ŵangamanya kuwona na kupulikiska kuti ise tiri mu maora ghaumaliro. Nyengo yikumara. Ise tirije nyengo yitali yakukhalira kuno, ndipo ise tikwenera kuti timuwone Yesu. Ndipo ise tighanaghanirikenge kuŵa ŵakuwukira, pakuti palije pakugwenthera. Mlenji uwu, para Imwe mwangupereka yikuru yira, mboniwoni yikuru, ya munthu yura kwizanga kuno, kufuma ku charu cha kutali; na kumuwona iyo, kwambura muzgezge wa nkhayiko, wakunyamuka kufuma pa mpando wakutchika, wakupokera kulaŵiska kwake. Marundi ghake ghakakhora, wakenda mu nyumba, wakusekerera na kumurumbanga Chiuta. Chikuwoneska kuti Chiuta wachali ndithu wamagomezgeko ku mawe agha kumuuskira ŵana kwa Abraham. Kutu wawone mboniwoni, ngati ndiumo Yesu wakayowoyera, “Ine nkchuchita chirichose yayi mpaka Adada ŵandiwoneske Ine. Ine ningachita chirichose yayi.”

188 Munthu wachiburumutira wakamurondezga Iyo, ndipo wakati, “Mutilengere lusungu ise.”

189 Iyo wakayowoya, wakakhwaska maso ghawo ndipo wakati, “Kwakulingana na chipulikano chinu, chiŵe nthoura kwa imwe.”

190 Sono, Fumu, ise tikuwona Yesu. Ise nthu tikuwona vinthu vyose. Ise tikuwona kuti tichali kutorera ŵatuŵa ŵithu ku dindi, ndipo tikwenda pa dindi la yumoza na munyake. Kweni

ise tikuwona Yesu, uyo wakapanga phangano. Ise tikumuwona Iyo wali na ise. Ntha Yesu mu dindi, ntha Yesu virimika thu sauzandi vyajumpha; kweni Yesu usiku uwu, uyo wali na ise. Ise tikumuwona Iyo wakuwonekera mu mazaza Ghake ghose, na vimanyikwirowi, na vyakuziziswa.

¹⁹¹ Chiuta, nkhuromba kuti ise tingazerezganga yayi Chiponosko chikuru ichi. Kweni nkhuromba kuti ise tichikore Ichi, na kuchizomera Ichi, na kuw̄a w̄antchindi, na kukhalira umoyo Ichi kufikira dazi ilo Yesu wafikirenge kuzakatitorera ise Kukaya. Perekani ichi, Fumu. Ise tikuromba ichi mu Zina Lake.

¹⁹² Ndipo apo ise tiri na mitu yithu yakusindama, nkhumanya yayi usange walimo munthu munyake mu nyumba iyi usiku uwu, pasi pa Kuw̄apo Kwauzimu kwa Mzimu Mutuw̄a, wangamanya kuyowoya, “M’bale Branham, ine nakhorwa kuti ine ndananga. Ine nakhorwa kuti ine ndananga. Chiuta wavumbura kwa ine zakwananga zane. Ndipo ine namanya kuti ine ndananga. Ine nikwezgenge woko lane kwa Iyo na kuromba lusungu, usiku uwu. Chiuta, mundilengere lusungu ine. Ine ndananga.” Uli imwe muchite icho?

¹⁹³ Apo ise tikulindizga pachoko waka, usange muli munthu muno uyo wakukhumba, paŵenge ubapatizo uwo uचितिके mu kanyengo waka. Ndipo usange ndiwe wakwananga, ine mbwenu nirapenge. Kasi iwe ukanenge uli chitemwa chikuru chomene cha Yumoza uyo wakafwa? Chiuta mutuw̄a wa Kuchanya wakazgoka Munthu wakwananga; ntha chifukwa chakuti Iyo wakananga, kweni chifukwa chakuti Iyo wakatora zakwananga zinu, ndipo wakazinyamulira kula ku Mphinjika. Ndipo iwe uzomerege yayi chigowokero chira? Uचितिके yayi iwe ichi usiku uwu? Apo ise tiri na mitu yithu yakusindama, munyake wayowoye, “Munikumbukire ine, M’bale Branham. Ine nakwezga mawoko ghane kwa Khristu, ndipo nkhati, ‘Mundilengere lusungu ine. Ine—ine ndananga, ndipo ine nkukhumba kuti ndiphemaniskikire kwa Chiuta.” Uli iwe ukwezge woko lako?

Viri makora, usange waliyose ndi Mukhristu, ipo, tiyeni tironbe.

¹⁹⁴ W̄adada, ise tikumuwongani Imwe usiku uwu, kuti waliyose muno ndi Mukhristu, kuti iwo w̄achitira ukaboni chenechira pa kuchita kukhala chete, kuti zakwananga zawo zose zira pasi pa Ndopa. Ndipo ine ndine wakuwonga chomene pa icho. Watumbikeni iwo, Fumu. O, ine ndine wakukondwa chomene kuti iwo w̄asanga uphemaniski kwizira mu sembe ya Ndopa, pa kuchita kupulika Mazgu. Kuchapika na maji, mwa Mazgu, Agha ghakutitozga ise. Agha ghakutitorera ise ku malo ghakuru chomene, uko—uko wakwananga, na mdima wake wakofya, wakuzgoka mutuw̄a ngati chiwuvi. Madontho ghaswesi gha

kwananga ghachapika, ndipo ndise vilengiwa viphya mwa Khristu. Umo ise tikumuwongerani icho, Imwe, pa ichi.

Sono chisopo cha ubapatizo chiyambikenge. Ine naphalirika kuti dona muchoko uyu, usiku uwu, wabapatizikenge kusika uku, mu Zina la Fumu yake.

195 O Wadada Wakuchanya, ise tikuromba kuti Imwe mutumbike mwanakazi mwanichi uyu. Umo malingaliro ghane ghakurutira kumanyuma mazuwa waka ghachoko ghajumpha, nkhizanga mu Henryville na kuwonanga msungwana muchoko wakutowa yura wakwenda chakudera kula pa msewu. Ndipo usiku uwu, iyo ndi mama, dona. Iyo wamuzomerani Imwe ngati Muponoski wake yekha. Umoyo uli kuwa unonono kwa mwana, Fumu, O Chiuta, kweni Kuchanya kuliko kwa iyo. Ndipo ise tikumuwongani Imwe pa icho. Ise tikuromba, Chiuta, kuti Imwe mumutumbike mwanakazi mwanichi sono. Ndipo apo iyo wakwiza kuzakabapatizika na maji, uli Imwe mumuzuzge iyo na Mzimu Mutuwa wa Chiuta. Perekani ichi, Fumu. Mphanyi uzima wake uwe waka wakusekerera chomene, kunjira mu Machanya! Perekani ichi ku uchindami Winu. Ise tikuromba ichi mu Zina la Yesu. Amen.

196 [Pa tepi paliye kalikose—Munozgi] Ine nkikhumba kuti niwazge kufuma mu Milimo, chipatulo 2; Petros wakuyowoya, pa Dazi la Pentekosite, ubapatizo wakudankha uwo ukachitika mu Mpingo wa Chikristu. Petros, kuwachenyanaga Wafarisi na wanthu wachiburumutira, pa kuleka kumanya Mwana wa Chiuta; kuyowoyanga za umu kuti Chiuta wakamuwuskira Iyo, ndipo wakasimikizgira milimo Yake, mu vimanyikwirowo vikuru na vyakuziziswa. Tegherezani ku ichi, apo iyo wakayowoya. Iyo wakamukwezganga Yesu.

197 Mzimu uliwose wa Mukhristu ukumukwezga Yesu, nthu na milomo yinu pera, kweni na umoyo winu. Milomo yinu yingamanya kuyowoya chinthu chimoza, umoyo winu ukuchita chinyake. Usange imwe mukuchita icho, imwe mukumanya icho chiriko? Ndi upusikizgi. Ndipo ntchiweme ine nkhakumane na Kuchanya ngati wambura kugomezga kuruska kuwa mupusikizgi. Ine ningakasanga mwaŵi uwemiko, ine nkhuomezga, kunjira Kuchanya, ngati a—ngati wambura kugomezga, kuruska kuwa mupusikizgi. Ine nadi. . . Usange iwe ukuchitira ukaboni Yesu na kuti, “Iyo ndi Muponoski,” iwe ukukhala umoyo ngati uwo, chifukwa wanthu wakhazgenge ichi mwa iwe. Uwo mbunenesko. Iwe ukhale umoyo umu Mukhristu wakwenera kukhalira. Ise tangujumphamo mu icho mlenji uwu.

198 Sono, para Fumu yazomerezga, namachero usiku, panji. . . pa Chitatu usiku, ise tizamutora chipatulo chachitatu ichi, cheneicho ndi chipatulo chakuziziswa. Ndipo sono, woneseskani kuti muzakayezge kwiza pa Chitatu usiku. Kasi mbalinga wakukondwera na Buku ili, la chisambizgo ichi cha Sande

sukulu? [Gulu likuti, “Amen.”—Munozgi] O, nkhumuwongani chomene imwe. Icho ntchiweme.

199 Sono, ine nkikhumba kuti ndiŵazge kufuma mu Milimo chipatulo 2, kuyambira pa vesi 32.

Yesu uyu uyo Chiuta wali kumuwuska, mwantheura ise . . . ndise ŵakaboni. (Iwo ŵakamanya ichi.)

Ipo pakuŵa kuti mwa woko lamaryero la Chiuta wakakwezgeka, ndipo wakapokera kufuma kwa Wiske phangano la Mzimu Mutuŵa, Iyo wali kuthandazga ichi, cheneicho imwe mukuwona sono na kupulika.

200 Sono mupulikeni iyo wakuyowoya za David, yumoza wa ŵangelo.

Pakuti David nthā wali kukwera kuchanya: kweni iyo wakayowoya iyomwene, YEHOVA wakayowoya kwa Fumu yane, Khala ku woko lane lamaryero,

Mpaka Ine nipange ŵarwani ŵako chitambaliro chako.

David wakakwera yayi kuchanya; iyo wakaŵa pasi pa ndopa zakuthiskika za ng’ombe, na mbuzi, na mberere. Kweni sono iyo wangamanya kuwuka; iyo wakaŵa pasi pa Ndopa za Fumu Yesu. Pakuti iwo ŵakuzgora ku Ndopa zira pera para Izi zikamanya kwiza mu nkhangono. Para Ndopa za Khristu zikati zafika mu nkhangono, wose ŵara ŵeneawo ŵakafwira mu chifukwa chiweme, ŵakawuka, uwo mbunenesko, ndipo ŵakakwera kunjira mu Uchindami.

201 Sono tegherezgani.

Ipo rekani nyumba yose ya Israel yimanyiske . . . (Tegherezgani ku ichi.) . . . kuti Chiuta wali kumupanga Yesu mweneuyu, uyo imwe . . . mukamupayika, vyose Fumu na Khristu.

Mukuti uli na icho? Kasi Iyo ndi Munthu wachitatu wa utatu, panji Iyo ndi utatu wose? Iyo ndi uzari wose wa Uchiuta, muthupi.

202 Kulije chinthu ngati W̄achiuta ŵatatu: Chiuta Dada, Chiuta Mwana, na Chiuta Mzimu Mutuŵa. Icho mulije nanga ndi mu Malemba, palije palipose. Palije palipose ichi. Palije palipose ise tikalangulika kuti tibapatize “mu zina la Dada, na mu zina la Mwana, na mu zina la Mzimu Mutuŵa,” palije palipose mu Malemba. Ndi chigomezgo cha Chikatolika, ndipo nthā ndi cha mpingo wa Protestant. Ine nifumbe munyake waliyose kuti waniwoneske Lemba ine uko munthu munyake wakabapatizika mu nthowa yinyake padera pa mu Zina la Fumu Yesu Khristu. Zanga, ndiwoneske ine, ndipo ine niŵikenge chimanyikwirowo pa msana wane, “Mupusikizgi, ndipo muprofeti mutesi, musambizgi mutesi,” ndipo niyendenge mu misewu. Kulije chinthu chantheura. Kulije munthu wakabapatizika

munthowa iyo. Ndi chigomezgo cha Chikatolika, ndipo ntha chisambizgo cha Protestant.

203 “Mateyu 28:19,” imwe mukuti, “Yesu wakati, ‘Rutani mu charu chose, mukasambizge mitundu yose, mukaŵabapatize iwo mu Zina la Dada, Mwana, na Mzimu Mutuŵa.’” Uwo mbunenesko.

Kweni ntha, “Mu zina la Dada, zina la Mwana, zina la Mzimu Mutuŵa.” *Zina* la Dada, *Zina* la (ntha mazina), la Dada. . .

Dada ndi zina yayi. Kasi mbalinga ŵakumanya icho? Kasi ndi ŵadada ŵalinga ŵali muno? Kwezgani mawoko ghinu. Kasi ndi ŵana ŵalinga ŵali muno? Kwezgani woko lako. Kasi ndi ŵanthu ŵalinga ŵali muno? Kwezgani mawoko ghinu. Viri makora. Sono, kasi zina lako ndiwe njani? Ntha dada, mwana, panji munthu.

204 Mwanakazi wakayowoya kwa ine nyengo yimoza, uyo wakaŵa wakugomezga chisambizgo cha utatu wa ŵachiuta, iyo wakati, “M’bale Branham, kweni Mzimu Mutuŵa ndi zina.”

205 Ine nkhati, “Mzimu Mutuŵa ndi zina yayi, Mzimu Mutuŵa ndi icho Uwu uli. Uwu *ndi* Mzimu Mutuŵa, ntha zina, icho ndicho Uwu uli. Ine ndine munthu, kweni zina lane ndine munthu yayi, zina lane ndine William Branham.”

206 Ntheura, usange Iyo wakati, “Imwe rutani, mukasambizge mitundu yose, kuŵabapatizanga iwo mu *Zina* la Dada, na la Mwana, na la Mzimu Mutuŵa,” ntheura Petros, pakati pajumpha mazuŵa khumi, wakati, “Rapani,” sono, apa, tegherezgani ku ichi:

Ndipo para iwo ŵakati ŵapulika ichi, iwo ŵakachontheka pa mtima wawo, ndipo ŵakanena kwa Petros na . . . ŵapostoli ŵanyake wose, Madoda na ŵabale, kasi ise tichite vichi?

Ntheura Petros wakanena nawo, Rapani, waliyose wa imwe, ndipo mubapatizike mu zina la Fumu Yesu Khristu kuti zakwananga zinu zigowokereke, ndipo imwe mupokerenge chawanangwa cha Mzimu Mutuŵa.

207 Ntheura kasi Petros wakachita icho Yesu wakamuphalira kuti wachite? Iyo wakatimbanizgika yayi, ise ndise tikutimbanizgika.

208 Pa Milimo 2:38, Ŵayuda ŵakabapatizika mu Zina la Fumu Yesu Khristu, mwakuchita kubizgika.

Mu Milimo, chipatulo 8, ise tikusanga kuti Filipu wakaruta ndipo wakapharazga ku Wasamariya, ndipo wakaŵabapatiza iwo mu Zina la Fumu Yesu Khristu, Wasamariya.

Mu Milimo 10:49, Petros wakalangura Ŵamitundu kuti ŵabapatizike mu Zina la Fumu Yesu Khristu.

209 Paulos, Milimo 10:5, “Iyo wakayendera ku mphaka za kunena za Efeso, iyo wakusanga w̄asambiri.” Iwo w̄akaw̄a w̄asambiri w̄a Baptist; w̄akaw̄a, waliyose, W̄abaptist. Iwo w̄akaphenduskika na mupharazgi wa Baptist wakumanyikwa na zina lakuti–lakuti, wonani, Apollo. Ndipo iyo w̄akaw̄a mupharazgi wa Baptist, “Ndipo wakasimikizgiranga mwa Baibolo kuti Yesu w̄akaw̄a Khristu.”

Paulos wakati, “Kasi imwe muli kupokera Mzimu Mutuw̄a kufumira apo mukagomezgera?”

210 Iwo w̄akati, “Ise tikumanya yayi kwali uliko Mzimu Mutuw̄a.”

211 Wakati, “Ntheura kasi imwe mukabapatizika uli?”


212 Iwo w̄akati, “Ise tiri kubapatizika na munthu mweneyura wakabapatiza Yesu, chiziw̄a cha maji kuwaro kula. Ichonchiweme chomene.”

213 Paulos wakati, “Icho chigwirenge ntchito yayi sono. Imwe mukwenera kuti mubapatizike, kamozaso.” Ndipo Paulos wakaŵalangura iwo kuti w̄abapatizike, kamozaso, mu Zina la Fumu Yesu Khristu. Wakaŵika mawoko ghake pa iwo, ndipo Mzimu Mutuw̄a wakiza pa iwo. Unenesko. Enya, bwana.

Kuzamkuw̄a Kuw̄ara mu nyengo yakumise,
Nthowa ya Uchindami muzamkuyisanga nadi;
Mu nthowa ya maji, ndiko Kuw̄ara
muhanyauno,
Kusungika mu Zina lakuzirwa la Yesu.
W̄anichi na w̄alara, rapani zakwananga zinu
zose,
Mzimu Mutuw̄a wanjirengemo nadi;
Kuw̄ara kwa kumise kwafika,
Ndi unenesko kuti Chiuta na Khristu ndi
Yumoza.

214 Ichonchidicho Baibolo likayowoya. Uwo mbunenesko. Ili ndi ora, iyi ndi nyengo yakuti ise tikwenera kuti tirape.

215 Tiphaliireni, chemerezgani para imwe mwanozgeka, njirani mu chiziw̄a. Ndipo ise... [M'bale wakuti, “Ise tanozgeka.”—Munozgi] Imwe mwanozgeka? Viri makora, kuti mujure makatani.

216 Sono, Fumu yimutumbikeni imwe sono, apo m'bale wakuchita ubapatizo. Uli imwe mose mulaŵiske kuno? 

ŴAHEBERE, CHIPATULO THU ² CTK57-0825E
(Hebrews, Chapter Two ²)

MAUPHARAZGI GHA BUKU LA ŴAHEBERE

Uthenga uwu wakupharazgika na M'bale William Marrion Branham, pakudanga ukaperekeka mu Chingerezi pa Sabata kumise, Ogasiti 25, 1957, pa Branham Tabernacle mu Jeffersonville, Indiana, U.S.A., ndipo uli kutoreka kufuma ku tepi ya magineti yakujambulika ndipo walembeka kwambura kusinthika mu Chingerezi. Kutanthauzira uku kwa Chitumbuka kukalembeka na kugawika na Voice Of God Recordings.

CHITUMBUKA

©2022 VGR, ALL RIGHTS RESERVED

VOICE OF GOD RECORDINGS, MALAWI OFFICE
P.O. BOX 51453, LIMBE, MALAWI

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Chimanyisko chakukopera

Wanangwa wose ngwakuwikiririka. Buku ili lingamanya kudindika pa chakudindira cha kunyumba kuwa lakugwiriskira ntchito imwe panji kuti liperekeke, kwaulere kwambura mtengo, nga ndi lakugwiriskira ntchito kutandazgira Ivangeli la Yesu Khristu. Buku ili ntha lingaguriskika, kupangikaso mu unandi, kutumizgika pa website, kusungika umu tingazakalisangiraso, kutanthauzika mu viyowoyero vinyakhe, panji kuligwiriska ntchito pa kupempheskera ndalama kwambura kalata yakulembeka kuzomerezgeka na Voice Of God Recordings®.

Kuti mumanye vinandi panji kusanga katundu munyakhe uyo waliko, chonde fumbani:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org